



Uunga
Avatangiisinut Pinnngortitamullu Pisortaqarfik
P.O. Box 1614
3900 Nuuk

29/10-2007

4000-0101

Kalaallit Nunaanniit avammut nannunit (*Ursus maritimus*) nioqqutissianik nioqquteqarnerup ulorianartorsiortitsisuunnginneranik misissuinermit paasisat

Isumaqatigiisummi CITES.-imi artikel IV-imi paragraf 2-imi allassimasoq naapertorlugu Naalagaaffimmi avammut nioqquteqartuusumi ilisimatusarnikkut oqartussaasut avammut nioqquteqarneq uumasut pineqartut annannissaannut aatsaat navianartorsiortitsisuunnginnerarpassuk avammut nioqquteqarnermut akuersissut tunniunneqarsinnaavoq.

Nannut nioqqutigineqarnissaat siunertaralugu Kalaallit Nunaanni piniarneqartarnerata amerlassusiinut qanoq sunniuteqarneranik naliliiniarnermi makku eqqarsaatigineqarput:

Avammut nioqquteqarnerup navianartorsiortitsisuunera pillugu misissuinermit inerniliussat

- Naak 1993-imiit pisarineqartartut amerleriarsimanerat Kane Basinimi Baffin Bugtillu nanuisa ikiliartornerannut annermik pissutaasutut isigineqartaraluartoq taamaattoq ullumikkut aqutsinermi periaaserineqartut naapertorlugit Kalaallit Nunaanni sumiiffinni aalajangersimasuni ukiumut pisarineqartartut ilisimatuussutsikkut inassuteqaataasutut amerlassuseqarpata ikinneruppataluunniit taava avammut nioqquteqarnissaq ajornarunnaassagaluarpoq aammalu avammut nioqquteqarneq nannut amerlassusiannut navianartorsiortitsisuunaviarani. Sumiiffinni aalajangersimasuni pisarineqartartut inassuteqaataasuniit amerlaneruppata avammut nioqquteqarneq navianartorsiortitsisuunngitsutut oqaatigineqarsinnaanngilaq. Kane Basinimi nannut ukiumut katillugit arfineq-pingasunit amerlanerunngitsut pisarineqartassasut Kalaallit Nunaanniit Canadamiillu inassutigineqarpoq, kiisalu Baffin Bugtimiittunit 72-init amerlanerunngitsut. 2007-imi Kane Basinimi katillugit 15-it missaat, kiisalu Baffin Bugtimi katillugit 178 missaat pisarineqassasut ilimagineqarpoq. Tassa imaappoq Kalaallit Nunaanni Canadamilu Kane Basinimi aammalu Baffin Bugtimi pisarineqartartut nungusaataassagunarput. Davids Strædip nanuinit pisat 50-60-iussangatinneqarput nungukkiartuutaagunaratililu.
- Tunumi nungusaasoqannginnissaa pillugu erseqqissumik ilisimatuussutsikkut inassuteqaateqartoqannginnera pissutigalugu niuernerup navianartorsiortitsisuunnginnera pillugu inerniliinissaq ajornakusoorpoq. Nannut

Tunumeersut pisarineqartut amiisa amerlanersaat nioqutigineqartarput.
Oqaatigineqartariaqarporli 1900-ikkut ingerlaneranni pisat
ikiliartorusaartuarsimammata.

- Ilanngullugulu oqaatigineqartariaqarpoq Baffinip Imartaani, Davids Strædimi kiisalu Tunumi nannut uumaffianni siku ukiut qulikkaar kingulliit ingerlaneranni allanngoqaluni siusinnerusukkut aattortalersimammata annikillissimallunilu. Uumaffiata taama aseroriartornera nannunut tamaaniittunut kingunerlussangatinneqarpoq aammalu uumaffimmi annertuumik allannguutit suli ingerlasut pissutigalugit qanga ullumilu pisat misissoqqissaarnissaat ajornarpoq.
- Aammattaaq nannut ataasiakkaat ima mingutsitaasimatigisarput kinguaassiorsinnaassusiannut ajoqutaasinnaagunarluni.
- Nannunit eqqarleriikkuutaanit tamaginnit pisarineqartarput, aamma Kalaallit Nunaanni Canadamilu pisat katinneri, nungusaataannigitsutut oqaatigineqarsinnaanngimmata, kiisalu nannunit nioqqtissiat suminggaaneernerinik immikkoorsitsisissutaasinnaasumik niuernikkut aaqqissuussisoqarsimannigimmat Kalaallit Nunaanniit nannunit nioqqtissianik avammut niuernerq nannunut navianartorsiortitsisuunnginnerarneqarsinnaanngilaq.

Fernando Ugarte
Pinngortitalerriffik
CITES-imut tunngatillugu ilisimatuussutsikkut oqartussaasoq
Kalaallit Nunaat